

四庫全書

集部

欽定四庫全書

集部

西坡類稿卷三十五

詳校官起居注事臣顧宗泰

助教臣常猶覆勘

總校官檢討

臣何思鈞

校對官編修

臣勵守謙

謄錄監生

臣朱腹松

欽定四庫全書

西坡類稿卷三十四

吏部尚書宋瑩撰

奏疏三

江寧巡撫到任疏

三十二年八月初四日上

竊臣重荷

簡命調撫江寧於康熙三十一年七月初五日接准兼銜部文隨於初六日將江西巡撫印務謹遵定例齎交

江西布政使

臣

盧崇興護理於本日登舟由水路起行

途次候

旨陞見業經具疏題明外至七月二十四日接閱邸抄

臣

請

陞見一疏奉

旨宋犖不必來京陞見該部知道欽此欽遵於本日舟次江南繁昌縣地方准兩江總督帶管江寧巡撫印務臣傅臘塔咨差委江寧府南捕通判劉啟輝

臣

標中軍

遊擊楊鉉齋捧

欽頌江寧巡撫關防一顆

王命旗牌八面桿并書吏文卷到

臣臣

恭設香案叩頭

祇受星夜前進於七月二十七日入江寧府境於八月

初四日至蘇州府

臣

署恭設香案望闕叩頭謝

恩開印受事訖伏念

臣

一介庸愚叨蒙

皇上非常知遇勉竭駑鈍未能上報高深惟有益勵素
心澄清吏治休養民力務使家殷戶給共樂昇平庶幾

少盡犬馬之誠所有地方應興應革利弊容臣詳加體訪次第舉行合將入境到任日期恭疏題報伏乞

皇上睿鑒勅部查照施行

請蠲邳州商稅疏

三十一年九月十五日

該臣看得邳州額該商稅一項原出自商賈貿易按貨

輸將先因該州積災之後瘡痍未復商賈未足歷年銀兩懸欠無徵經前撫臣鄭端特疏具題請將缺額稅銀准與豁免嗣後儘收儘解部覆係全書內開額徵之項

毋庸議仍令照數徵收報部等因備行江蘇布政司遵照在案今據布政使張志棟詳稱該州額編商稅雖係載在全書原因疊被災侵商賈絕跡於康熙十三年間題准部覆儘收支用刊入全書遵奉在案且該州沉廢田地逃亡人丁亦屬全書編載之項已荷

聖恩永為豁免似此無戶無人之虛稅獨令徵輸真為無米之炊籲請再疏題豁前來

臣

查邳州商稅雖全書

編載原藉商賈往來貿易始有投納前因該州疊罹災

患人戶逃亡商賈流散以致缺額先經前撫臣馬祐以
邳邑凋殘等事具題自康熙十三年為始照揚州之例
儘收儘解部覆邳州稅銀該撫既稱疊罹災傷流亡載
途實係無徵等語應將未完銀兩准其蠲免其每年額
徵銀六百一十一兩零應照揚州之例儘收支用如地
方復舊年歲豐足之日仍照舊徵輸等因覆奉

俞旨欽遵在案迨後康熙十五年并十八年起迄今
又歷奉部駁照額徵解幸於康熙二十八年間

聖駕南巡欽奉

上諭江南積年民欠一應錢糧槩與蠲除該州二十六
年以前稅銀始得同邀

恩豁并二十八年無徵銀兩已經該州知州孫居澍賠
補全完外仍有康熙二十七二十九三十年分共缺額
稅銀一千七百五十兩六錢零實係無徵之虛數況該
州沈地逃丁錢糧亦係全書編載之項已蒙

皇仁特頒

上諭永為除豁而此無戶無人可問之商稅獨因其全書內開之數責令追徵何能按額取盈所當仰請

睿慈俯將前項缺額無徵銀兩准賜豁除嗣後仍儘收儘解造報奏銷俟地方復舊商賈輻輳之日仍照舊額徵輸庶積累盡除流亡漸集於國計民生均有攸賴矣

臣謹會同總督臣傅臘塔合詞具題伏乞

皇上睿鑒勅部議覆施行

酌議運船飯米疏

三十一年九月二十八日上

該臣看得蘇松常三府屬白糧項下裁省運船水手飯米前撫臣鄭端以折價懸殊請將節年收貯米石解給京口兵糧於留漕米內扣除帶運部覆仍令折銀起解隨經轉行遵照去後今據護理蘇松督糧道事蘇州府同知姚應鳳詳稱前項所徵米石原供水手飯食乃係糙米實與白糧不同先奉改折白糧之時部定價值每石一兩五錢列入由單派徵於民每畝不過分釐易於完解今徵本色所收糙米時價每石七八錢不等官為

折解易米一石止可解四五斗之折價督催雖嚴賠補無術請照本色時價或照兵糧價值折銀起解等情將康熙二十二年起至二十八年止已未折解數目分晰造冊開列職名具詳前來臣查此項飯米內除未完并虧空等米現於另案參追外其節年徵貯米石長洲吳江崑山嘉定華亭婁縣上海青浦無錫宜興等十縣雖經按數折完俱稱係照時值折解其不敷米價無從墊補現請查示所有長洲縣現任知縣杜浦等應否查議

聽候部奪其太倉吳縣常熟武進江陰等五州縣迄今
尚未折完則太倉州現任知州甘應泰等遲延之咎在
所難辭相應指參至此案米價必如部定之數州縣小
吏萬難賠補請照本色時價或照兵糧價值折解仰祈
皇上弘恩賜允庶積案可以速結而下吏獲免賠補之
累矣除冊送部外臣謹具題伏乞
皇上睿鑒勅部議覆施行

興化秋災請蠲疏

三十一年十月
二十七日 上

該臣看得興化縣本年秋被蟲旱災傷情形經臣會疏具題一面檄行布政司委官勘明分數詳覆去後今據布政使張志棟詳稱興化縣實被災十分民田一萬二千一百一十頃二十七畝零照例應蠲銀三千七百九十兩二錢三分零又牧馬草場田一十頃九十二畝零應蠲銀九兩三錢一分零又歸併興化所屯田一百五頃應蠲銀二百六十七兩九錢二分零取具府縣印官勘過被災分數及應蠲錢糧冊結前來

臣即飭行加意

撫綏務使災黎得所并將冊結分送部科外所有被災
分數臣謹會同總督臣傅臘塔總漕臣董訥合詞具題
伏乞

皇上睿鑒勅部議覆施行

題明截留兵米疏

三十一年十月三十日上

該臣看得京口駐防官兵歲需米石從前原係截留江
西省并蘇松等屬漕糧運解京收貯倉廩按月支放循
照通倉事例每石扣除折耗米八升八合支給鋪墊人

夫工食銀五分已經按年准銷自康熙二十五年間經前任總漕臣徐旭齡題請改留鎮江府屬漕米就地放給可省耗費准有部覆在案先據藩司具詳京口兵米改留鎮屬漕糧支給水脚之費或可酌減而漕米隔年收貯在倉逐月支放其間潮蒸霉爛鼠耗節颺盤量出入原與江漕外府協解相同折耗勢所不免歷年截留米石在在有虧參追疊見請照舊例每石給耗米八升八合其舟車解送等費計程遠近酌給循例題銷隨經

前撫臣鄭端據詳咨准部覆折耗銀米既稱見在通詳會題應俟具題到日再議等因當行江蘇布政司遵照去後今據布政使張志棟詳稱京口兵米按月支放截留鎮屬漕糧係隔年徵收貯倉其霉爛鼠耗盤量虧折原與江漕外府協解相同前議循例每石請銷耗米八升八合實無浮溢至於水脚工食等費雖非遠運可比而修倉鋪墊以及扒擡人夫工食等項在所必需計程酌減丹徒縣每石給銀一分丹陽縣每石給銀二分金

壇縣每石給銀三分量其道里遠近耗費多寡酌定核實之數誠難缺少詳請會題前來臣查京口兵米從前截留江西省以及蘇松等府漕糧解鎮支放因有貯倉霉爛盤量等項耗費循照通倉折耗并鋪墊人夫工食之例按年准銷今雖改留鎮屬各縣漕米運貯倉廠經年堆積按月給散原與外省各府協解無異折耗之數自不能免至於解送水脚以及修倉鋪墊扒擡人夫工食等銀所當量其程途遠近酌減支給俾耗費銀米得

以循例銷算而正項錢糧不致那空虧缺矣相應據詳
題請聽部議奪臣謹會同總督臣傅臘塔總漕臣董訥
合詞具題伏乞

皇上睿鑒勅部議覆施行

鹽城秋災請蠲疏

三十一年十一月初四日上

該臣看得鹽城縣本年秋被旱蟲災傷情形經臣會疏
具題一面檄行布政司委官勘明分數詳覆去後今據
布政使張志棟詳稱鹽城縣實被九分十分災民田二

萬四百七十頃九十九畝零照例應蠲銀五千七百八
十二兩六分零又歸併鹽城所被十分災屯田二百七
十九頃二十畝零應蠲銀一百二十八兩九錢七分零
取具府縣印官勘過被災分數及應蠲錢糧冊結前來
臣即飭行加意撫綏務使災黎得所并將冊結分送部
科外所有被災分數相應題報
臣謹會同總督臣傅臘
塔總漕臣董訥合詞具題伏乞

皇上睿鑒勅部議覆施行

沭陽水災請蠲疏

三十一年十二月十二日上

該

臣

看得沭陽縣本年被水衝淹田地先據江蘇布政

司委員確勘具詳經臣題報准到部覆速委賢能道員

親履確勘如果被災將遲延逾限官員查明題參等因

隨經備行布政司遵照併批委淮揚道劉殿邦確勘去

後今據布政使張志棟詳稱催准該道覆稱親履確勘

與所報被災田地分數無異竝無虛捏遲延取具該道

府印結造冊呈詳前來臣查沭陽縣康熙三十一年被

水災六七八九十分不等田地一萬五百一十八頃五十八畝零應照定例蠲免不等分數共銀四千九百七十四兩九錢三分零既據該道府覆加勘確所當仰請睿慈照例蠲除以恤災黎至該縣被水衝淹原在六月十六十七等日其時夏末二麥已穫田野秋禾被傷故作秋災具報且康熙二十八年邳宿睢徐沛蕭豐碭等州縣於五月二十六日至六月十七十八等日被水淹沒秋禾亦作秋災具題業經部覆准蠲有例竝未遲延合

并陳明除冊結分送部科查核外
臣謹會同總督臣傅
臘塔總漕臣董訥合詞具題伏乞

皇上睿鑒勅部議覆施行

謝

恩疏

三十二年三月初三日

康熙三十二年三月初一日新任管理蘇州織造員外

郎加二級臣李煦赴蘇到任
臣出郊跪請

聖安畢李煦傳

皇上旨意說你做官著實好欽此臣隨叩頭恭謝

天恩伏念臣一介庸愚荷蒙

皇上隆恩調撫江蘇財賦重地夙夜冰兢惟恐隕越半載以來寸長未効乃復蒙

溫旨下頒獎勵逾格臣自顧何人膺茲

寵眷悚惶倍切感激彌深惟有益竭駑鈍勉盡職業以仰答

聖明知遇之恩於萬一而已臣謹具疏恭謝伏乞

皇上睿鑒施行

淮揚涸田請停徵疏

三十二年五月二十八日上

該臣看得淮揚二府屬鹽城高郵興化泰州寶應等州縣地處低窪自康熙七年洪水為災田成澤國荷蒙皇仁將漕田錢糧蠲停仍於每年冬勘明有無涸田具題至康熙二十八年又於欽奉

上諭事案內委勘鹽高興泰寶五州縣共仍漕田四萬六千五百二十三頃一十二畝零至康熙二十九年因

天道亢旱兼之下河疏通循例冬勘田地全涸隨據司道府州縣詳稱此田雖經勘涸但係積滄年久盡成荒廢萬難一槩徵輸經前撫臣鄭端具疏題明一面飭行布政司專委淮揚道逐加覆勘據報可以耕墾田二萬二千九十一頃八十畝零遵照定例起徵外其無主版荒田二萬四千四百三十一頃三十二畝零應徵地丁本折錢糧復經前撫臣會疏題請蠲停部覆仍令於三十年起徵轉行遵照在案

臣自履任以來接理催解以

裨

國用乃節據各州縣紛紛籲請咸稱前項涸田實係久
成荒廢滿目荆榛原戶逃亡無從追問必須暫緩催徵
方可徐圖招徠開墾等情俱經臣批駁該司查照部文
徵輸而府州縣官民復又齊聲請豁當仍批行布政司
查報隨咨商總督臣傅臘塔會奪去後准督臣咨開
國賦原從田辦今前項涸田既屬無主荒廢若責之於
州縣徵輸勢必滋擾累民似當再為覆勘確實會疏入

告等因又經行據布政司詳委淮揚道僉事劉殿邦履
畝親勘去後據詳勘明原報涸田荒廢如故臣思此田
勘涸之後已經二載豈無續墾復熟地畝又嚴批確察
今據布政使張志棟詳稱移准淮揚道僉事劉殿邦覆
稱田自康熙七年報渰至康熙二十九年冬勘全涸已
二十餘載積荒地畝莠葦盤錯逃亡戶口無可復問實
無續墾以熟欺捏情弊再細察民情蓋緣墾荒有限年
起科之例而此田先有節年之積賦待完所以人皆視

為畏途招墾不前田無人墾賦將安出雖催徵檄下而無米之炊難以責成且見在人民惟恐累及包賠臣身在地方仰體

皇上視民如傷至意不得不再據情陳請伏懇

聖慈將此五州縣荒廢涸田起徵本折錢糧暫予停徵俯容臣等嚴督地方官多方招徠復業開墾隨墾隨報陞科則遠近之民咸知

皇恩浩蕩免賠糧之累自必聞風樂趨而正賦亦不致

久虛矣除冊結送部外

臣

謹會同總督臣傅臘塔總漕

臣興永朝合詞具題伏乞

皇上睿鑒勅部議覆施行

六合水災請蠲疏

三十二年九月初三日上

該

臣

看得六合縣今歲先被亢旱續於七月內靈雨為

災泮沒田禾經

臣

會疏具題一面委員確勘并飭江蘇

布政司速催勘明造具冊結詳報去後今據布政使張

志棟詳稱六合縣民賦併衛項下共被水災五六分以

至九分十分不等共田地二千八十七頃四十畝零照
例應蠲銀一千三十七兩六錢九分零米三千八百六
十四石三斗三升零取具冊結開列違限職名具詳前
來_臣查該縣被災田地既經委員勘明具有印甘各結
所當仰請

皇仁照例蠲免以恤災黎除冊結分送部科外_臣謹會
同總督_臣傅臘塔總漕臣興永朝合詞具題伏乞

皇上睿鑒勅部議覆施行

請移蠲漕糧疏

三十二年九月二十二日上

該臣看得貢賦出於田畝而地利所入全藉天時臣屬
江蘇松等屬地方今歲雨澤愆期艱於插蒔先據六合
溧陽太倉長洲吳縣崑山華亭青浦泰州等九州縣以
旱災見告而淮揚徐所屬海州山陽桃源安東沭陽高
郵寶應徐州沛縣蕭縣碭山等十一州縣又因河湖暴
漲秋雨連綿以致田禾被淹經臣節次會疏題報在案
一面委員確勘除六合縣續被霪雨勘報成災淮徐所

屬海山桃徐沛蕭碭七州縣咸稱汪洋巨浸秋禾被淹
造具被災分數冊結已經具題其沐陽安東揚屬之高
郵寶應等四州縣亦據委勘官結報成災祇因各縣冊
造未符見在駁催俟造冊到日另報至溧陽太倉等八
州縣雖皆勘不成災但先因亢旱插蒔違時及後得雨
補種雜糧止堪完辦條折而應輸漕米實難照額輸將
據各屬迫切具詳臣俱批行司道會議務期

上供無虧民需實惠今據布政使張志棟蘇松督糧道

參議史起賢江安督糧道參政鮑復昌會詳內稱起運漕糧向無蠲免之例惟康熙三十年十二月初四日特奉

恩綸將湖廣江西浙江江蘇安徽山東應輸漕米著自康熙三十一年始以次各蠲免一年等因欽遵在案計江蘇所屬漕糧應在三十四年奉蠲今請於

聖恩特蠲前項漕米之中酌一通融之策將今歲所報水旱災傷之處除安東縣漕糧原係改折外其餘六合

太倉等十九州縣應蠲三十四年漕糧應否於今歲先
免三分之一其三分之二仍俟三十四年蠲免等情前
來

臣思我

皇上無時不以愛養斯民為念江蘇百姓屢霑

聖澤業已淪肌浹髓倘此報災各屬更蒙預賜酌免則
民力得舒感頌我

皇上浩蕩洪恩愈無紀極

臣

復咨商督臣傅臘塔准咨

與臣所見無異但曠典出自

聖裁非臣等所敢擅請也再上元吳江常熟婁縣上海
武進無錫江陰宜興丹徒丹陽金壇等十二縣在前亦
遭亢旱幸續得雨澤不致成災原於題報江蘇等屬先
旱後雨情形疏內聲明在案但各屬所種秋禾并雨後
補插種類不等米色未能純一查從前水旱之年漕糧
原有紅白兼收之例茲據該司道請將上元吳江等十
二縣與六合太倉等州縣漕米照例紅白兼收惟以乾
潔為主合竝題明以聽部議

臣

謹會同總督臣傅臘塔

總漕臣興永朝合詞具題伏乞

皇上睿鑒施行

沭陽等四州縣水災請蠲疏

三十二年十月初四日上

該臣看得淮安府屬沭陽安東并揚州府屬之高郵寶應等四州縣今歲被水渰沒秋禾情形經臣會疏具題

一面委員確勘并飭江蘇布政司速催勘明造具冊結詳報去後今據布政使張志棟將被災分數并應蠲錢糧造具冊結詳報前來臣查沭陽安東高郵寶應四州

縣本年被水災分數不等共田地三萬三千三百二十
三頃四十八畝零內被災八九十分不等原熟田二萬
五千八百八十三頃六十三畝零應照例蠲免二三
分不等銀一萬三千四百七十兩一分零米六百四十
石四斗零又高寶二州縣勘涸版荒田地被十分災田
七千四百三十九頃八十四畝零照例應蠲三分銀四
千一十三兩七錢一分零米一百九十六石七斗三升
零但此項版荒田畝地最低窪原係久淹新涸荒廢之

田無人承業莫可催輸已經歷次具題有案今歲該州縣又被重災涸出荒田仍沉水底是以司府州縣籲請全蠲洪恩出自

聖裁非_臣等所敢擅議也除冊結分送部科外_臣謹會同總漕臣興永朝合詞具題伏乞

皇上睿鑒勅部議覆施行再照此案應會同督臣具題今督臣印務係_臣署理合併陳明

興化水災請蠲疏

三十二年十一月初四日上

該臣看得揚州府屬通州興化二州縣今歲被水淹沒
秋禾情形經臣會疏具題一面委員確勘并飭江蘇布
政司速催勘明造具冊結詳報去後今據布政使張志
棟詳稱除通州原報被水田地已經勘不成災具有印
結申送存案并將興化縣被災分數及應蠲錢糧造具
冊結詳報前來臣查興化縣本年被水十分民屯并牧
馬草場災田九千八百三十頃四十八畝零內被災十
分原熟田五千九百九十八頃五畝零應照例蠲免三

分銀二千九十四兩七錢六分零又勘涸版荒田地被
十分災田三千八百三十二頃四十三畝零照例應蠲
免三分銀一千一百九十九兩四錢六分零但此項版
荒田畝地最低窪原係久滄新涸荒廢之田無人承業
莫可催輸已經歷次具題有案今歲該縣又被重災涸
出荒田仍沉水底是以司府縣籲請全蠲洪恩出自
聖裁非_臣等所敢擅議_臣謹會同總漕臣興永朝合詞
具題伏乞

皇上睿鑒勅部議覆施行再照此案應會同督臣具題
今督臣印務係臣署理合併陳明

六合通賦緩徵疏

三十二年十二月十四日上

該臣看得六合一邑地處岡阜土多瘠薄兼之疊遇荒
歉歷年民屯錢糧積逋難清幸於康熙二十八年恭逢
聖駕南巡特頒

上諭將江南全省積年民欠正雜錢糧盡與蠲除從此
民免催呼官無參罰獨是該縣併衛項下軍欠銀米係

撥漕項款目未能一例邀恩故仍照舊追徵先於屯丁
災苦等事案內前撫臣鄭端會疏具題部覆允將康熙
二十四年至二十七年未完於三十一年為始按年帶
徵在屯丁滿望歲歲豐稔即可勉力輸將逐年清欠不
意今歲先旱後水復被災荒故據該縣以被災之後舊
逋新糧八載竝徵軍力難堪具詳呼籲臣批行江蘇布
政司會同江安督糧道確議通詳督臣傳臘塔亦以七
年舊欠萃於一歲并徵軍力堪念作何調劑得宜批飭

該司查議今據布政使張志棟會同督糧道參政鮑復昌詳稱六合縣荒歉頻仍今歲又遭水患田禾淹沒廬舍飄流被災窮軍方將藉賑延生安有餘力以完舊欠請將康熙二十二年并二十四年至三十年并衛項下軍欠漕項銀米於三十三年為始分年帶徵覆詳前來

臣思我

皇上無日不以愛養斯民為念節年以來蠲租豁欠澤被寰區今歲江浙地方偶值夏雨愆期惟恐秋收歉薄

上廩

審懷復沛

德音江省起運漕糧三分免一萬姓歡呼謳歌載道惟因六合縣并衛項下所輸銀米多撥漕項支用非同漕米款目故兩逢曠典未能一例蠲除遂致歷年壓欠積逋愈多值此被災之後窮丁賴賑延生力難兼顧茲據該司道復請緩於康熙三十三年為始按年帶徵倘蒙皇恩愈允則軍力既紓舊欠得以陸續清楚是雖暫緩

於目前而實收效於日後但鴻恩出自

聖裁非

臣

等所敢擅請也

臣

謹會同總督臣傅臘塔總

漕臣興永朝合詞具題伏乞

皇上睿鑒施行

高郵等四州縣水災請蠲疏

三十三年九月二十八日上

該

臣

看得揚州府屬高郵江都興化寶應四州縣民屯

田地今歲入秋以來靈雨連綿兼值湖河水漲淹沒秋

禾情形經

臣

會疏具題一面遴委道府等官親履確勘

并飭江蘇布政司速催勘明造具冊結詳報去後今據
布政使張志棟詳稱高郵江都興化寶應四州縣并歸
併高興二衛所共被水災九十分田地三萬一千三百
四十八頃三十畝八分零照例應蠲銀一萬八千五百
四十八兩六錢八分零米九百九十石三斗六升零取
具冊結具詳前來臣查該州縣被災田畝既經委員勘
明具有印甘各結所當仰請

皇仁照例蠲免以恤災黎者也除將冊結分送部科外

臣謹會同總督臣范承勲總漕臣王樞合詞具題伏乞
皇上睿鑒勅部議覆施行

長洲等五縣并蘇州衛水災請蠲疏

三十四年八月十八日上

該臣看得蘇州府屬之長洲吳江常熟崑山松江府屬
之青浦等五縣并蘇州衛民屯田地今歲陰雨連綿低
鄉秋禾被水情形經臣會疏具題一面咨商督臣遴委
道府等官分別調勘果否成災并飭江蘇布政司暨江
南都使司查明造具冊結詳報去後今據布政使張志

棟都司孫肖賢將各委員勘確災田區圖分數并應蠲
錢糧造具冊結詳報前來臣查長洲吳江常熟崑山青
浦五縣并蘇州衛共被水災九十分田地二萬二十九
十五頃一十二畝四分零照例應蠲銀六萬九千六百
一十六兩五錢九分零米豆七千七百九十九石一斗
九升零既經委員勘明具有印甘各結所當仰請
皇仁照例蠲免以恤災黎者也除將冊結分送部科外
臣謹會同總督臣范承勲合詞具題伏乞

皇上睿鑒勅部議覆施行

長洲等五縣請賑疏

三十四年十一月十六日上

該臣看得蘇州府屬之長洲吳江常熟崑山松江府屬之青浦等五縣今歲自春徂夏陰雨連綿低鄉田地秋禾淹沒經臣將被災情形并委官勘明分數取具冊結先後會題業荷

皇恩將災田應徵錢糧照例蠲免

臣

即通行各屬出示

曉諭務使災民均霑實惠在案今據江蘇布政使張志

棟詳稱長洲等五縣被水各區田禾俱係九十分重災
力田鄉農素鮮蓋藏際此隆冬饑寒交迫哀籲拯恤等
情詳請動支積穀發賑前來臣查各屬常平倉捐積穀
原係

皇上愛養民生預為儲備以俟拯救災荒之用所當仰
懇

皇仁俯允動支容臣遴委能員查明真正乏食饑民酌
量散賑以恤災黎仍俟賑畢造冊報部核銷臣謹會同

總督臣范承勳合詞具題伏乞

皇上睿鑒勅部議覆施行

崇明水災請蠲賑疏

三十五年七月二十九日上

該臣看得蘇州府屬之太倉常熟嘉定崇明松江府屬之上海五州縣今歲六月初一日颶風驟雨潮水汎溢沿海地方田舍被淹情形經臣會疏具題一面咨會督臣遴委府廳等官分往撫綏確勘果否成災并飭江蘇布政司查明造具冊結詳報去後今據布政使張志棟

詳據各委官勘明造具冊結前來臣查太倉常熟嘉定

上海四州縣被水人民已據各委官勘覆俱經多方撫

綏勸諭補種不致成災取有印結存案惟崇明一縣各

沙田蕩散處海中據委官勘明實被水渰分數不等田

蕩六千五百六十四頃八畝零共應蠲銀三千三百八

十五兩九錢五分零應請照例蠲免至於被水人民有

救濟不及致被溺死者已經督臣暨臣捐銀飭發委官

查明親屬給令收葬并將坍塌房屋之處一併酌給修

蓋以資棲息但見在被災人民田舍被淹秋成無望待
哺甚殷所當仰請

睿慈俯允動支捐輸積穀容臣委員查明真正被水無
食之民按口散賑以恤災黎統俟賑畢造冊報銷則災
黎咸沐

聖恩無既矣除將被災田畝分數及應蠲錢糧冊結分
送部科外臣謹會同總督臣范承勳合詞具題伏乞
皇上睿鑒勅部議覆施行

淮揚徐三屬賑濟疏

三十五年九月初六日上

竊照淮揚徐三屬各州縣今歲霖雨連綿山水陡發河
湖汎漲以致秋禾被淹先據各州縣衛陸續詳報臣俱
批行藩閫二司查明彙詳至八月初六日據該司將各
屬被災情形具詳請題臣因監臨入闕不及繕疏題報
即經咨會督臣范承勲具疏題明在案續據各屬紛紛
呈詳咸稱被災處所田地淹沒廬舍衝塌災黎乏食望
賑甚殷臣即飭令藩司并淮揚淮徐二道飛飭各州縣

動支本地積穀先行發賑一月以救目前之急總漕臣
桑格亦令各屬先動積穀賑救督臣范承勲誠恐被災
州縣所貯米穀有限又經題請動支省城例米協濟惟
是拯救災荒關切民生要務今淮揚徐三府州屬同被
水災原報淮安府屬之海州邳州山陽清河桃源宿遷
睢寧沐陽安東贛榆鹽城十一州縣揚州府屬之高郵
泰州江都寶應興化五州縣徐州并所屬之蕭碭二縣
又都司所轄之淮安大河二衛而沛縣并徐州衛皆又

續報水渰見在另疏具題統計報災者共有二十州縣并淮大徐三衛地方遼闊其間災傷輕重饑民衆寡積貯多少各有不同自當查勘確實隨時調劑庶於饑民有益查康熙二十四年及二十八年淮陽徐等處亦被水災皆係一面具題請賑一面即行放給俱蒙

聖恩俞允茲據江蘇布政使張志棟具詳請將鄰近各屬未被災地方積貯穀石撥協被災處所接濟但恐州縣奉行未善

臣

文聞事務已經告竣所當親往查賑撫

綏務使災黎各霑實惠以副我

皇上愛養斯民至意除檄令布政使張志棟并調松江府知府龔嶸等隨臣於九月初六日自江寧省城輕舟

減從由揚州前往淮安等處嚴督各屬將撥協穀石星
飛解運并將被災各邑分頭查勘賑濟外所有微臣起
行日期理合具疏題報伏乞

皇上睿鑒施行

山陽等七州縣并淮河二衛水災請全蠲疏

三十
五年

九月十
二日上

該臣看得淮陽徐三屬今歲霖雨連綿山水陡發河湖
泛漲以致秋禾被淹先據各州縣衛陸續詳報臣俱批
行藩閫二司查明彙詳至八月初六日據該司將各屬
被災情形具詳請題臣因監臨入閩不及繕疏題報即
經咨會督臣范承勲具題續准督臣移送揭帖已將各
屬被水情形及飭行淮揚淮徐二道并江南都司委員
查勘果否成災俟撤棘之日仍聽臣會題緣由於八月

十二日題明在案當又嚴飭各司道速督委官勘報去
後續據江安督糧道參政鮑復昌詳稱各邑被災田地
見今一派汪洋漕糧漕項無從辦納籲請題蠲緣由又
經批行布政司確議通詳今據江蘇布政使張志棟將
勘過山陽清河高郵泰州江都寶應興化七州縣并據
江南都司孫肖賢將勘過淮安大河二衛被災分數冊
結詳送前來臣查山陽清河高郵泰州江都興化寶應
七州縣并淮安大河二衛共被水災十分田地七萬二

千六百四十頃六十七畝五分零應徵地丁漕項漕贈
等銀一十七萬二千四百二十七兩八錢零漕糧漕項
地丁米麥豆一十一萬一千五百六十三石六升零內
除漕項漕贈銀一萬七千五百九十兩一錢六分零漕
糧漕項米麥豆九萬八千三百六十六石二斗九升零
外實該地丁銀一十五萬四千八百三十七兩六錢四
分零米一萬三千一百九十六石七斗七升零照例應
蠲十分之三銀四萬六千四百五十一兩二錢九分零

米三千九百五十九石三升零惟查該司詳稱今歲淮揚徐各屬既被靈雨山水復遭黃淮交漲漫過隄岸不惟田地淹沒廬舍坍塌更有低窪之區男婦隨流漂溺實非尋常災傷可比而定例十分災田地丁錢糧蠲免十分之三如高郵一州見在徵糧田地一萬九千餘頃俱被十分重災額徵銀米麥四萬四百有零若照定例計應蠲免銀米九千七百有奇則應徵錢糧尚有三萬七百之多被災子遺顆粒無收豈能完辦又興化一邑

亦全被十分重災他如泰州寶應江都山陽清河五州縣并淮安大河二衛合通屬而論雖有未被災之地然就被水之區查勘俱係十分重災該司請將十分災田地丁錢糧并漕糧漕項破格全蠲以恤災黎等語臣查田畝被災例應勘明輕重分數分別蠲免惟是今歲淮揚等各屬田地見沉水底災民盡棲隄岸被災過重迥與往昔不同所有本年地丁漕糧漕項實難措處應否破例蠲免但

隆恩曠典非臣等所敢擅請惟賴我

皇上如天之德有以拯救而安全之俾淮揚等一帶百萬生靈咸登衽席感戴

皇上深仁厚澤永永無既矣至各屬饑民荷蒙

聖恩准動省城例米并積貯穀麥賑濟臣於部文未到

之前自江寧省城起行由揚州前往淮安等處查勘督

賑先經具疏題明在案應俟查賑完日另疏題覆合竝

聲明除將送到被災分數冊結分送部科查核外

謹

會同總督臣范承勲總漕臣桑格合詞具題伏乞

皇上睿鑒勅部議覆施行

海州等五州縣水災請全蠲疏

三十五年九月二十二日上

該臣看得淮揚徐三屬各州縣今歲水災情形先據藩

司具詳

臣

因監臨入閩不及繕疏題報即經咨會督臣

范承勲具題當又嚴飭布政司并淮揚淮徐二道連督
委官勘明果否成災具報去後續據江安督糧道叅政
鮑復昌詳稱各邑被災田地見今一派汪洋漕糧漕項

無從辦納籲請蠲免緣由又經批行藩司確議通詳今據布政使張志棟將勘過海州桃源宿遷贛榆鹽城五州縣被災分數冊結詳送前來臣查海州桃源宿遷贛榆鹽城五州縣共被水災十分田地六萬八百三十頃四十一畝八分零應徵地丁漕項漕贈等銀九萬一千六百一兩九分零漕糧漕項米麥五萬六千六百三十五石九斗八升零內除漕項漕贈銀九千六百七兩五錢一分零漕糧漕項米麥五萬六千六百三十五石九

斗八升零外實該地丁銀八萬一千九百九十三兩
五錢八分零照例應蠲十分之三銀二萬四千五百
九十八兩七分零又海州被災九分田地一千二百
八十頃九十八畝六分零應徵地丁漕贈銀二千九
十一兩八錢零漕糧漕項米麥一千二百三十石八
斗七升零內除漕贈銀五十一兩一分零漕糧漕項米
麥一千二百三十石八斗七升零實該地丁銀二千
四十兩七錢九分零照例應蠲十分之三銀六百一

十二兩二錢三分零惟查該司詳稱淮揚徐各屬今歲既被靈雨山水復遭黃淮交漲漫過堤岸不惟田地淹沒廬舍坍塌更有低窪之區男婦隨流漂溺者實非尋常災傷可比若僅照定例九分十分災田地丁錢糧蠲免十分之三則應徵銀米尚多被災子遺藉賑延生豈能完辦請將十分災田地丁錢糧并漕糧漕項破格全蠲其九分災田漕項地丁銀米并請於定例之外再加蠲免以恤災黎等語臣查

田地被災例應勘明輕重分數分別蠲免惟是今歲淮揚等屬田地見沉水底災民盡棲堤岸被災過重迥與往昔不同所有本年地丁漕糧漕項實難措處應否破例蠲免先於勘報高郵山陽等州縣被災分數案內據實題明在案今桃源宿遷贛榆鹽城四縣徵糧田地俱全被十分重災惟海州災田有九分十分不等既據該司具詳題請一例破格蠲免相應據詳具題統候皇上聖裁除將被災分數冊結分送部科查核外

臣謹

會同總督臣范承勲總漕臣桑格合詞具題伏乞

皇上睿鑒勅部議覆施行

邳州等六州縣水災請全蠲疏

三十五年九月二十六日上

該臣看得淮揚徐三屬各州縣今歲水災情形先據藩

司具詳

臣

因監臨入關不及繕疏題報即經咨會督臣

范承勲具題當又嚴飭布政司并淮揚淮徐二道速督

委官勘明果否成災具報去後續據江安督糧道參政

鮑復昌詳稱各邑被災田地見今一派汪洋漕糧漕項

無從辦納籲請蠲免緣由又經批行藩司確議通詳今據江蘇布政使張志棟將勘過邳州睢寧安東徐州蕭縣碭山六州縣被災分數冊結詳送前來臣查邳州睢寧安東徐州蕭縣碭山六州縣共被災十分民屯田地五萬三千六百二十二頃三十六畝二分零應徵地丁等項銀七萬四千九百九十四兩四錢四分零漕糧漕項米麥二萬一千九百六十六石五斗五升零內除漕項漕贈銀一萬三千二百五十一兩二錢九分零漕糧

漕項米麥二萬一千九百六十六石五斗五升零外實
該地丁銀六萬一千七百四十三兩一錢四分零照例
應蠲三分銀一萬八千五百二十二兩九錢四分零又
睢寧徐州蕭縣碭山四州縣共被災七分八分九分田
地二萬九千四百八十六頃九十八畝二分零應徵地
丁等項銀三萬七千五百四十九兩六錢零漕糧漕項
米麥二萬一千九百五十四石一斗三升零內除漕項
漕贈銀七千三百七十五兩八分零漕糧漕項米麥二

萬一千九百五十四石一斗三升零外實該地丁銀三萬一百七十四兩五錢一分零照例應蠲三分二分不
等共銀七千八百八十九兩二錢七分零惟查該司詳
稱淮揚徐各屬今歲既被霖雨山水復遭黃淮交漲漫
過隄岸不惟田地淹沒廬舍坍塌更有低窪之區男婦
隨流漂溺實非尋常災傷可比若照定例九分十分災
田地丁錢糧蠲免十分之三七分八分蠲免十分之二
則應徵銀米尚多被災戶遺藉賑延生豈能完辦請將

十分災田地丁錢糧并漕糧漕項破格全蠲其九分及
七八分災田漕項地丁銀米并請於定例之外再加蠲
免以恤災黎等語臣查田地被災例應勘明輕重分數
分別蠲免惟是今歲淮揚等屬田地見沉水底災民盡
棲隄岸被災過重迥與往昔不同所有本年地丁漕糧
漕項實難措處應否破例蠲免先於勘報高郵山陽海
州等州縣被災分數案內節次題明在案今邳州睢寧
安東徐州蕭縣碭山等六州縣被災田地既據該司具

詳題請一例破格蠲免相應據詳具題統候

皇上聖裁除將被災分數冊結分送部科查核外

目謹

會同總督臣范承勳總漕臣桑格合詞具題伏乞
皇上睿鑒勅部議覆施行

沛縣并徐州衛水災請全蠲疏

三十五年十月初五日上

該_臣看得沛縣并徐州衛今歲水災情形先據江蘇布

政司并江南都使司具詳經_臣會疏具題一面批飭各

該司委官勘明果否成災具報又據江安督糧道參政

鮑復昌詳稱各邑被災田地見今一派汪洋漕糧漕項無從辦納籲請蠲免緣由復批藩司確議通詳在案今據布政使張志棟都司孫肖賢將勘過沛縣并徐州衛災田分數冊結詳送前來臣查沛縣并徐州衛被災十分田地三千七頃六十四畝零應徵地丁等項銀二千六百一十三兩一錢九分零漕糧漕項米麥豆五千五百五十三石六斗二升零內除漕項漕贈銀四百一十八兩三錢零漕糧漕項米麥豆五千五百五十三石六斗

二升零外實該起存銀二千一百九十四兩八錢九分
零照例應蠲三分銀六百五十八兩四錢六分零被災
七分八分九分田地一萬三百一十一頃三十二畝零
應徵地丁等項銀一萬三千三百三十一兩七分零漕
糧漕項米麥豆一萬六百八十九石三斗零內除漕
項漕贈銀二千三百四十五兩五錢八分零漕糧漕項
米麥豆一萬六百八十九石三斗零外實該地丁銀一
萬九百八十五兩四錢八分零照例應蠲三分二分不

等共銀二千五百九十七兩五錢二分零惟查該司詳稱淮揚徐三屬今歲霖雨連綿河湖交漲漫過隄岸田廬淹沒小民無棲乏食被災深重實非尋常可比若照定例九分十分災地錢糧蠲免十分之三七八分蠲免十分之二則應徵銀米尚多被災子遺藉賑延生豈能完辦請將十分災田地丁錢糧并漕糧漕項破格全蠲其九分及七八分災地漕項地丁銀米并請於定例之外再加蠲免以恤災黎等語臣查田地被災例應勘

明輕重分數分別蠲免惟是今歲淮揚徐等處田地見
沉水底災民盡棲隄岸被災過重迴與往昔不同所有
本年地丁漕糧漕項實難措處應否破例蠲免先於勘
報高郵海州等邑被災分數案內節次題明在案今沛縣
并徐州衛被災田地既據該司詳請一例破格蠲免相
應據詳具題統候

皇上聖裁除將被災分數冊結分送部科查核外
臣謹
會同總督臣范承勲總漕臣桑格合詞具題伏乞

皇上睿鑒敕部議覆施行

沭陽水災請全蠲疏

三十五年十月初八日上

該_臣看得淮揚徐三屬各州縣今歲水災情形先據藩

司具詳

_臣

因監臨入關不及繕疏題報即經咨會總督

臣范承勲具題當又嚴飭布政司并淮揚淮徐二道速

督委官勘明果否成災具報去後續據江安督糧道參

政鮑復昌詳稱各邑被災田地見今一派汪洋漕糧漕

項無從辦納籲請蠲免緣由又經批行藩司確議通詳

今據布政使張志棟將勘過沭陽縣被災分數冊結詳
送前來臣查沭陽縣共被災十分田地一萬二千七百
四十一頃三十一畝五分零應徵地丁等項共銀二萬
七千三百八十一兩六錢零漕糧漕項米麥一萬八千
八百四十二石八斗七升零內除漕項漕糧銀五千五
百二十四兩八錢三分零漕糧漕項米麥一萬八千八
百四十二石八斗七升零外實該地丁等銀二萬一千
八百五十六兩七錢七分零照例應蠲三分銀六十五

百五十七兩三分零惟查該司詳稱淮揚徐各屬今歲既被霖雨山水復遭黃淮交漲漫過隄岸不惟田地淹沒廬舍坍塌更有低窪之區男婦隨流漂溺實非尋常災傷可比若照定例十分災田地丁錢糧蠲免十分之三則應徵銀米尚多被災丁遺藉賑延生豈能完辦請將十分災田地丁錢糧并漕糧漕項破格全蠲以恤災黎等語臣查田地被災例應勘明分數分別蠲免惟是今歲淮揚等屬田地見沉水底災民盡棲隄岸被災過

重迴與往昔不同所有本年地丁漕糧漕項實難措辦
應否破例蠲免先於勘報高郵山陽海州等州縣被災
分數案內節次題明在案今沐陽縣被災田地既據該
司具詳題請一例破格蠲免相應據詳具題統候

皇上聖裁除將被災分數冊結分送部科外臣謹會同
總督臣范承勳總漕臣桑格合詞具題伏乞

皇上睿鑒勅部議覆施行

賑畢題報疏

三十五年十
月十四日上

竊照淮揚徐三屬今歲水災饑民乏食先據各屬接踵
詳報臣即檄行司道飛飭各州縣動支積穀先行發賑
督臣范承勲又經具題請動省城例米一萬石協濟但淮
揚徐三府州屬同被水災共有二十三州縣衛地方遼
闊誠恐州縣奉行未善是以臣於文關事竣之後即自
江寧起行親臨督賑先經具疏題報在案途次接准督
臣咨會省城例米荷蒙

皇仁允准動賑仍令臣帶領賢能道府等官賑給隨又

飭行江蘇布政使張志棟遵照據詳兩淮鹽運使劉德芳願捐水脚將省城例米星夜運送當即帶領先經調委之松江府知府龔嶸蘓州府同知李繼勲松江府同知石文焯揚州府同知蘇稷常州府通判馮翼鳳松江府通判張愚鎮江府通判李脈全又於淮揚徐地方檄委淮揚道僉事劉殿邦淮徐道副使徐攬淮安府知府李經政揚州府知府傅澤洪淮安府通判呂登龍徐州知州孔毓珣等輕舟減從分赴被災州縣各鄉村鎮處

所將真正乏食災民查勘明確文告之外復又面加誠諭務須矢公矢慎毋濫毋遺先就本地見存并鄰邑解到撥協穀麥即行放賑使災黎早霑實惠其有不敷即將省城陸續運送例米找給統計先後支放共發三個月賑糧臣由揚州至淮安渡黃河往來督勘宣布聖恩災民扶老攜幼歡呼載道從此淮揚徐一帶百萬生靈重登衽席皆感頌我

皇上如天之仁永永無極惟是低窪之區仍然一派汪

洋男婦尚棲隄岸今次所發賑糧僅足目前之用轉瞬
來春即使水勢日漸消涸而耕鑿之衆尤須調劑安全
俾得盡力東作以望西成已據布政司通詳見在咨商
督漕二臣另疏具題其用過賑糧數目飭催該司造冊
詳送報部核銷外今臣於十月十三日已回蘇州公署
所有微臣回署日期理合具疏題報伏乞

皇上睿鑒施行

請復賑濟事例疏

三十五年十
月十七日上

該_臣看得淮揚徐三屬今歲水災饑民乏食蒙我

皇上聖德如天愛民如子允動省城例米并積穀賑濟
_臣於未准部覆之前先自江寧起行前往淮揚一帶親
臨督賑途次分委道府等官在於各州縣鄉村鎮集處
所將真正乏食災民查勘明確共發三個月賑糧_臣往
來督勘宣布

皇仁災民扶老攜幼歡呼載道惟是低窪之區仍然一
派汪洋男婦尚棲隄岸今次所發賑糧僅足目前之用

來春尚乏謀生茲據江蘇布政使張志棟詳稱暫開捐米事例以資接賑仍請先動京口留漕九萬五千餘石并各屬例穀以俟捐補臣一面咨商督漕二臣一面批行該司再加確議准督臣范承勲咨覆先動留漕接賑開例捐補均為允當咨臣主稿題請而漕臣桑格又以鳳陽倉見有存剩麥六萬餘石可以動濟饑民以免堆貯腐壞毋庸補還亦咨臣主稿會題又經飭行藩司議詳今據該司覆稱鳳倉麥石從前動賑開銷有例今母

庸議補外惟暫動留漕積穀與省城例米及各屬應行
儲備穀石仍請開例捐納等情臣查常平倉事例原屬
救荒善政向蒙

皇上念切民依准予捐納積粟預備江蘇各屬先因應
貯之數已足是以停止改捐銀兩今歲淮揚徐異常水
患被災子遺目下雖有賑糧可食轉瞬來春餬口無資
難施耕鑿勢須接賑俾得盡力畎畝但本處儲蓄已動
用無存鄰邑積貯又撥協殆盡所當仰懇

聖恩將捐銀之例暫停毋論外省外郡人員仍照前例捐納米穀并請先動京口畱漕及鳳倉麥石酌捐水脚運送支用使災黎早蒙實惠其原動省城例米與京口畱漕統俟開例補還責成道員經收至各屬應貯穀數照依州縣大小捐足之後即行停止不特淮揚徐一帶百萬生靈重霑

聖澤感頌愈無紀極即地方儲備亦有攸賴矣既據該司具詳前來相應據詳具題統候部覆臣謹會同總督

臣范承勲總漕臣桑格合詞具題伏乞

皇上睿鑒勅部議覆施行

上元等三縣水災請蠲賑疏

三十五年十月二十六日上

該臣看得上元句容六合上海丹徒五縣本年秋禾被水情形經臣具疏題報飭行江蘇布政司委員確勘果否成災去後今據布政使張志棟詳稱上海丹徒二縣已據勘不成災取有印結存案將勘過上元句容六合三縣民屯被災田畝分數造具冊結詳送前來臣查上

元句容六合三縣共被水渰七八九十分災田地二千二百七十九頃三十八畝零照例應蠲銀二千八百七兩七錢八分零米豆一千四百一十九石三斗九升零惟是被災人民秋成失望乏食堪憐所當亟為賑恤仰請

皇仁俯允動支捐貯穀石容臣委員查明真正饑民按口散給統俟賑畢造冊報銷俾災黎不致失所感沐聖恩無既矣除將被災分數冊結分送部科外臣謹會

同總督臣范承勲合詞具題伏乞

皇上睿鑒勅部議覆施行

西陂類稿卷三十四

欽定四庫全書

西陂類稿卷三十五

吏部尚書宋肇撰

奏疏四

崑山請清丈疏

三十六年五月初九日上

該_臣看得_臣屬蘇松等處額賦繁重每年地丁等項錢

糧_臣彈力督催設法勸輸除全完州縣之外其餘各邑

即稍有尾欠亦俱完至九分以上惟蘇州府屬之崑山

縣節年地丁銀米懸欠數多經臣檄飭司府嚴督清查
徵解以足

國用茲據江蘇布政使張志棟詳稱崑邑錢糧拖欠皆
因田糧混淆請委該府同知張國卿勒限清丈前來臣

查崑山縣全書開載歲該本折銀米麥豆共有三十六
萬而田地分徵科則又有七十餘項原以地畝之腴瘠
定等則之高下乃緣額賦倍多科則繁雜厯年既久版
籍散失民間賣買不常豪強蠹役得以從中弊混或腴

田而安享輕糧或瘠地而輸納重賦荒熟淆混輕重失均以致應徵賦稅歲多拖欠今欲清釐積弊裕

國利民自應按畝大量核定科則以便輸將惟是該縣印官處此賦額繁重之區錢穀刑名催科讞鞠拮据不遑大量一事勢難兼顧查有蘇州府督糧同知張國卿廉能素著所當嵩委該員前往查丈於農隙舉行凡有從前隱漏俱遵康熙三十四年十月內欽奉

上諭令其自首起科其有缺額包賠亦與酌量減豁總

之從前舛混今日悉行清釐改正以盈補虧務足見在額徵之數但崑邑幅員廣闊合照青浦縣前令劉廷諫丈量田地之例限年半為期責令丈完編造清冊存案以為永遠章程庶歷年之積弊可以頓除而

國賦民生兩有攸賴矣既據該司具詳前來所當據詳具題聽部議覆臣謹會同總督臣范承勲合詞具題伏乞

皇上睿鑒勅部議覆施行

再請復賑濟事例疏

三十六年七月二十二日上

該^臣看得淮揚徐三屬上年水災饑民乏食經^臣會題請動省城例米京口留漕鳳麥等項賑濟仍開捐米事例補還部覆奉

旨允行在案祇因外省外郡人員是否允其一體捐納部文內未經指明咨准部覆止令本郡人員捐納^臣又會疏題請勅部查照原題毋論外省外郡槩准捐納庶得尅期完補部覆仍令本郡捐納作速補還原項備行

江蘇布政司遵照去後茲據布政使張志棟具詳前來
臣查上年原動例米留漕鳳麥及各屬均貯米穀幾及
五十萬石之多均係儲備急需自應速為捐補今據各
司道冊報春季捐收米穀小麥止三千三百二十石其
夏季各數雖未報齊然亦所捐無幾今歲淮揚二屬山
鹽高泰興寶等邑又因積水未消麥未種已經題報
見委各道查勘而徐州江都安東等處又見據報災勢
須賑濟若照部議不准外省外郡一體捐納則有志急

公之人阻格不得捐輸而本省本郡欲援例捐納者甚少何能即時補足況此應補米麥數至五十萬石之多現今報捐止三千三百餘石即准外省外郡捐納尚恐額多難足若拘本省本郡之例則曠日持久不惟倉儲不能補還抑恐將來賑救無資且當日臺臣余忝來條奏不許外省外郡捐納原因各省俱開事例恐人趨米賤之處報捐今各省久已停止惟江省因賑濟繁多暫時開例已無趨賤避貴之弊實非往昔可比所當仰懇

聖恩俯念上年賑缺應還米穀數多今歲淮揚徐地方又被水患現在告災請賑亟需捐補

恩賜破例毋論外省外郡人員一體緊准捐納并照直隸救荒事例俊秀捐米免其到監期滿准與考用俾有志急公者得以早為報捐庶儲備軍糈均有攸賴矣再查各屬捐貯米穀向准部文分別州縣大中小三等均貯備賑但淮揚徐三屬地近黃淮水患靡常與別郡間遇災荒者不同若照原定均貯之數儲備有限臨時需

賑不敷勢必酌撥別屬協濟其船脚諸費捐措維艱惟此監穀一項捐收多貯既得隨時動賑不煩遠運脚費又免災民嗷待竝請

勅部允將淮揚徐三屬州縣現今捐納不拘定數聽其收貯俟儲備有餘之日另請停止實於民生有益相應一并題明聽部議奪

臣

謹會同總督臣范承勲署理總

漕印務總河臣董安國合詞具題伏乞

一

皇上睿鑒勅部議覆施行

勘明淮揚二屬積滄田地疏

三十六年七月二十八日上

該臣看得淮揚等屬上年異常水患荷蒙

皇上如天之仁破格蠲賑億萬災黎無不感頌

聖恩咸慶更生

臣

又申飭有司加意撫綏俟水涸播種

俾

國賦民依咸有攸賴不謂淮安府屬之鹽城山陽二縣揚州府屬之高郵泰州興化寶應四州縣因低窪之區被災深重宿水未能消退加以今夏霪雨連綿各閘壩

洩水匯聚沉淪田畝總未佈種前據各屬紛紛詳報咸
稱淪田積水未涸難以耕耨額徵正賦無由請援每年
冬勘涸起科之例籲請停緩經臣會疏題報情形一面
飭行嚴督委官分往確勘去後今據江蘇布政司布政
使張志棟詳稱淮揚道副使薛晉勘報鹽城縣除版荒
外實在積水淪田一萬九千二百六十九頃五畝零又
歸併鹽城所除版荒外實在積水淪田九十三頃三十
六畝山陽縣積水淪田五千八百五十二頃六十六畝

二分零興化縣除版荒外實在積水滄田八千八百四
頃五十八畝五分零又歸併興化所積水滄田七十六
頃一十畝江常鎮道僉事施朝輔勘報高郵州除版荒
外實在積水滄田八千八百九十五頃三十七畝九分
泰州除版荒外實在積水滄田二千六百四十頃五十
三畝五分零寶應縣除版荒外實在積水滄田一千六
百七十七頃三十二畝零又歸併高郵衛積水被滄屯
田一百三十七頃五十九畝一分零以上淮揚江常二

道勘過各州縣實在積水滄田共四萬七千四百四十
六頃五十八畝零實緣積滄未退又加雷雨開壩洩水
匯注禾麥佈種無期錢糧無從措辦援照從前微臣目
覩之例請歸版荒案內一例委員冬勘等情取具冊結
該司核造田畝額徵錢糧數冊一併呈詳前來臣查鹽
城山陽高郵泰州興化寶應六州縣上年水災迥異尋
常宿滄積水至今未退見在未種之滄田即係從前勘
涸之舊地今復被水沉滄小民無從播種錢糧實難措

辦既據該司委員勘明請歸版荒案內一例至冬勘報
相應據詳具題聽部查議除冊結分送部科外臣謹會
同總督臣范承勲署理漕務總河臣董安國合詞具題
伏乞

皇上睿鑒勅部議覆施行

淮揚徐三屬請賑疏

三十六年八月二十八日上

該臣看得淮揚徐三屬上年異常水災蒙我

皇上聖德如天愛民如子將額徵錢糧破格蠲緩又動

本地積穀及借省鳳等倉米麥先後發賑被災子遺餬口有資得安耕鑿惟期雨暘時若歲登大有早輸

國賦仰報

聖恩乃山陽鹽城高郵泰州興化寶應六州縣先稱積水未消麥禾俱未佈種而海州邳州清河桃源宿遷睢寧沐陽安東贛榆江都徐州豐縣沛縣蕭縣碭山十五州縣并淮安大河徐州三衛皆稱今歲伏秋以來霪雨為災加之黃淮諸水交漲田禾淹沒又山陽鹽城高郵

泰州實應興化六州縣涸出已種地畝亦被水淹請蠲
請賑之文接踵見告除經批行藩閩二司查明被災情
形并委道員勘明積水淹田數目造具冊結經臣節次
會疏具題外今據布政使張志棟詳稱淮揚徐三屬當
上年異常水災之後復被水淹軍民田地皆成巨浸男
婦依棲隄岸嗷嗷待哺亟應賑濟以免流離惟是本地
積蓄上年已動用無存鄰屬米麥亦撥協殆盡所有現
在捐補省鳳等倉米麥計其所收亦屬無幾請仍行借

夫將來陸續捐收總以補足原動之數為止又江蘇各屬積穀撥動協濟之外再捐俸工銀二萬兩銀米兼施仍有不敷請將康熙三十七年京口應留漕米預於三十八年鎮揚二屬漕糧內截留借賑統於現開常平倉事例案內收補以克京口三十八年兵糈等情臣查淮陽徐今歲被災州縣衛共有二十四處地方既廣饑民衆多該司所議預請留漕原屬救恤災黎之策在正賦毫無虧損臣隨咨商督臣范承勲亦准咨覆似屬可行除

現在分委廉能官員前往各屬查勘被災輕重饑民多寡恭候

俞允之日按數星夜撥運臣即親往淮揚一帶督賑俾百萬生靈重登衽席感頌

皇仁永永無極矣臣謹會同總督臣范承勲署理漕務總河臣董安國合詞具題伏乞

皇上睿鑒勅部議覆施行

海邵等十九州縣并淮河徐三衛水災請全蠲疏

三十六年九月

二十一日上

該臣看得淮揚徐三府州屬今歲伏秋以來霪雨連綿

黃淮交漲以致海州邳州清河桃源宿遷睢寧沐陽安

東贛榆江都徐州豐縣沛縣蕭縣碭山等十五州縣并

淮安大河徐州三衛民屯田地俱被淹沒而山陽鹽城

高郵泰州寶應興化等六州縣除上年積水沉淹田地

之外其餘已涸佈種秋禾地畝亦被水淹先據藩閫二

司詳報情形經臣會疏題明一面飭行江蘇布政司暨

江南都使司分委道府等官履畝確勘去後今據布政使張志棟都司章秉法將委官勘過各州縣衛田地被災分數造具冊結詳報前來除寶應豐縣二邑已據委官勘明水勢稍退可以補救不致成災具有印結存案外通計邳州清河桃源睢寧沭陽徐州蕭縣碭山等八州縣并大河徐州二衛共被水災五六七八分田地一萬六千二百八頃四十四畝九分零除漕項銀米麥豆外應照例蠲免一二分不等共銀三千七百九十六兩

四錢二分零又海州山陽清河桃源宿遷睢寧沐陽安
東贛榆鹽城高郵泰州江都興化徐州沛縣蕭縣碭山
等十八州縣并淮安大河徐州三衛共被災九十分民
屯田地一十三萬八千五百五十三頃四十七畝六分
零共應徵起存漕贈等銀二十二萬五千八百八十六
兩九錢一分零漕糧漕贈月糧鳳米等項米麥豆一十
二萬一千九百二十一石四斗一升零內除漕項漕贈
銀三萬四千七百一十九兩六錢八分零漕糧漕項米

麥豆一十一萬五千六百三石二斗二升零外實該起
存地丁銀一十九萬一千一百六十七兩二錢三分零
米六千三百一十八石一斗七升零照例應蠲十分之
三銀五萬七千三百五十兩一錢六分零米一千八百
九十五石四斗五升零據該司詳稱各州縣衛上年重
被水災幸蒙

皇恩破格全蠲惟望今歲有秋乃又被重災西成絕望
被災軍民方將藉賑延生所有九分十分重災田地若

照常例請蠲則此外應徵錢糧尚多災黎無從借辦請
將地丁漕糧漕項仍賜全蠲以甦積困等情臣查淮揚
徐三屬當上年被淹之後復罹水災窮黎餬口無資已
經會疏題請動項發賑前項九十分重災田地與被災
稍輕者不同秋成既已無收錢糧實難完辦相應一并
題明應否仍予破例全蠲洪恩出自

聖裁非臣等所敢擅請者也除冊結分送部科外臣謹
會同總督臣范承勲總漕臣桑格合詞具題伏乞

皇上睿鑒勅部議覆施行

謝

恩疏

三十八年十月十八日上

康熙三十六年十月十八日准吏部咨為謹報勘過淮揚等事考功清吏司案呈奉本部送吏科抄出該本部覆戶部題前事議得戶部議覆江寧巡撫宋榮會同具題一疏內稱版荒田地原係水淹無主荒田此鹽城等六州縣田地係見在徵糧熟田非無主版荒可比應將

該撫所題歸入版荒田地案內冬勘之處無庸議仍照例徵收錢糧等因具題奉

旨依議鹽城等州縣地畝皆係見在徵糧熟田新被水災未涸該撫應勘明將今年額賦具題乃輒請入版荒案內停徵殊屬不合著嚴察議處具奏欽此查鹽城等六州縣田地皆係見在徵糧熟田並非版荒田地該撫明知新被水災請入版荒案內停徵具題殊屬不合將巡撫宋榮不便照不行查出之例議處應照州縣官例

革職列名具題之江南江西總督范承勲署理漕務總
河董安國均照例各降四級調用查范承勲有加四級
紀錄十次應銷去紀錄八次加二級抵降四級免其降
調總河董安國有加三級應銷去加三級抵降三級仍
降一級調用其將入版荒案内申詳之司道府州縣官
員移咨該督查明題叅到日再議康熙三十六年九月
二十九日奉

旨宋榮從寬免革職著降五級留任有加級紀錄准抵

銷董安國著削去加三級仍降一級留任餘依議欽此
相應移咨前去欽遵施行等因到臣隨恭設香案望

闕叩頭謝

恩外伏念臣才本庸碌謬叨

皇上知遇隆恩調撫江寧繁劇重地受事以來夙夜冰
兢以期無負

高厚乃識淺才疎自干罪戾茲因鹽城等州縣見在徵
糧田地水潦未涸臣一時愚闇請入版荒案內冒昧具

題部議罷斥臣罪何辭荷蒙我

皇上格外矜全從寬免革職降五級留任加級紀錄復

准抵銷臣跪承

恩命感極涕零臣何人斯重邀

聖主使過之仁敢不益勵捐糜之志惟有勉竭駑駘仰

報

洪恩於萬一而已臣謹具疏恭謝伏乞

皇上睿鑒施行再照臣任內見有加三級欽遵抵銷仍

該降二級并帶先降二級共降四級留任合并聲明為
此具本謹具奏聞

再陳淮揚二屬積淹田地請全蠲疏

三十六年十一月三十日

上

該^臣看得鹽城山陽高郵泰州興化寶應六州縣居河

湖之濱素稱澤國上年異常水災荷蒙

聖恩破格蠲賑災黎得安衽席不意今歲又據各屬詳
報低窪之區積水未消加之霖雨連綿各閘壩洩水匪

聚勢難驟退請歸冬勘案内至冬勘報起徵當據布政司詳委道員分往勘明積水淪田數目造具冊結詳

臣

會題部覆仍照例徵收錢糧隨經轉行江蘇布政司通飭遵照去後今據布政使張志棟詳准江安督糧道叅政鮑復昌咨會并據淮安揚州二府及鹽城山陽高郵泰州興化寶應六州縣詳稱此案原報淪田四萬七千四百四十六頃五十八畝五分零額徵起存漕贈等銀八萬六千五百四十七兩九錢四分零內除漕項銀八

千三百三十四兩九錢九分零外實該起存銀七萬八千二百一十二兩九錢四分零照定例應免十分之三銀二萬三千四百六十三兩八錢八分零又額徵米麥六萬九千九百八十七石五斗零內除漕糧漕項米麥六萬四千一百三十六石六斗一升零外實該鳳米五千八百五十石八斗九升零照定例應免十分之三米一千七百五十五石二斗六升零但前項地畝原係積水未退十分災田麥禾俱未種植若照定例蠲免則此

外應徵銀米尚多無從出辦請將康熙三十六年應徵額賦全蠲等情臣查淮揚等屬海州山陽等州縣衛今歲已經播種被災九分十分田畝應徵地丁銀米及漕糧漕項先經具題現奉

特旨通行蠲免所有鹽城高郵等六州縣積水淹田俱係十分重災因各屬先有歸入冬勘之請故本年續報水災案内未經一并請蠲原於勘報水災分數疏冊內聲明在案今部覆照例徵收錢糧臣恭繹

綸音內原有該撫應勘明將今年額賦具題之
旨則是各州縣淹田額賦難以完辦情由已蒙

聖明洞鑒茲據該司道詳據各屬請照海州等處本年
九十分水災田地一例破格全蠲前來相應具題恭候

皇上聖裁非

臣

等所敢擅請也除將該司送到災田額

徵錢糧數冊送部查核外

臣

謹會同總督臣范承勲總

漕臣桑格合詞具題伏乞

皇上睿鑒勅部議覆施行

淮揚徐三屬再請接賑疏

三十七年四月十五日

該

臣

看得淮揚徐三屬康熙三十六年又被水災饑民

乏食經

臣

會疏題請仍借京口省鳳等倉捐收米麥截

留鎮揚二屬漕糧捐輸俸工銀兩並動鄰郡各屬積穀賑濟荷蒙

聖恩俞允准到部文

臣

即親臨督賑並將各項米穀銀

兩飛飭捐給水脚星夜運送惟因原借京口省鳳等倉米麥收補無多此時合計見在銀米僅供災黎三月之

需當卽先行賑給以免嗷待一面通飭各屬確查續收
例米接濟業於督賑同署疏內題明在案續據江蘇布
政司呈詳各屬續收米穀接賑兩月緣由咨准部覆行
令具題隨行該司遵照去後今據布政使張志棟詳稱
淮揚徐三屬上年成災州縣衛共有二十三處地方遼
闊饑民衆多自上年十月內奉到部文之時先賑三月
口糧至今年正月內業已食盡無存當東作方殷之際
豈能枵腹耕鑿故將各屬續收米穀找賑兩月見又倡

率公捐再行設廠煮粥接賑等情詳請具題前來臣查
淮揚徐三十五年被災饑民先後兩次題奉

俞旨允動京口省鳳等倉米麥二十五萬餘石并鄰郡
積穀原共放賑六個月另有該案內造冊報銷今三十
六年被災饑民除動截留鎮揚二屬漕糧八萬石并各
屬積穀及酌捐俸工銀兩之外計京口省鳳等倉項下
止動捐收米麥七萬有奇共賑五個月口糧見飭該司
造冊報部查核外所有先後動用各項米麥俱在原題

允賑數中應於見開常平倉事例案內照數捐納補還
相應具題聽部議覆再照各屬災民雖前後給賑五月
口糧麥收不遠猶恐未能接濟先經督臣范承勲及臣
會同漕河鹽諸臣倡率屬員各捐銀米柴束在於淮揚
各州縣城鄉市鎮設廠煮粥分賑并酌散銀錢俾災黎
不致失所以副我

皇上愛養斯民至意合竝題明臣謹會同總督臣范承
勲總漕臣桑格合詞具題伏乞

皇上睿鑒勅部議覆施行

三十五年賑濟題報疏

三十七年四月十七日上

該_臣看得淮揚徐三屬康熙三十五年秋被水災饑民乏食先經督臣范承勲請動省倉例米并鄰郡積穀賑濟荷蒙

聖恩俞允

_臣

即親往督賑先放三個月口糧續因入春

尚乏謀生

_臣

又會疏題請借動京口儲漕及鳳倉麥石

接賑以俟開例補還亦奉

俞旨允行當將各項米麥飭行各司道捐給水脚星夜分運找賑三月嗣據江蘇布政司將各州縣賑過大小軍民口糧數目造冊詳報咨准部覆行令查明取結具題等因隨行該司遵行去後今據布政使張志棟詳稱海邳等二十州縣賑過大小饑民饑軍寒生共一百一十七萬八千五百八十六名口該給米麥四十七萬七千五百九十六石三斗一升零內除動支省倉例一十萬石京口儲備漕米九萬五千六百七十石四升零鳳

倉小麥六萬一千八百六十六石三斗五升零外其餘
米麥二十二萬五十九石九斗一升零已將各屬捐收
存貯例積米麥穀石雜糧給賑被災窮黎皆得

聖澤所用各項米麥穀石皆係奉

旨允動應於常平倉事例案內捐收補還等情取具各

府州縣印結造冊呈詳前來臣覆核無異相應具題聽

部查核除冊結送部外臣謹會同總督臣范承勲總漕

臣桑格合詞具題伏乞

皇上睿鑒勅部議覆施行

請蠲災田丁銀疏

三十七年四月
二十三日工

該^臣看得淮揚徐三屬海山淮大等州縣衛康熙三十

六年秋災田地並鹽城高郵等六州縣積淹地畝經^臣

委員勘明先後會題荷蒙

聖恩將應徵錢糧照被災輕重分別蠲豁准到部咨隨
行江蘇布政司通飭欽遵去後今據布政使張志棟詳
稱淮揚徐三屬上年水災田地欽奉

特旨這海州等十八州縣三衛被九分十分重災田畝
本年應徵地丁銀米及此項田畝所有漕糧漕項俱著
通行蠲免等因欽遵在案查被災田地向例於勘報分
數之時照各屬全書編載每畝應徵科則造冊請蠲其
人丁銀兩例不入冊即如淮揚等處三十五年被災亦
係止將田畝錢糧先行照例造報迨奉

特恩將一應錢糧盡行蠲免之後續將各屬應蠲丁銀
彙同地畝錢糧一并造冊報部茲海山等州縣衛康熙

三十六年九分十分秋災田地共該丁銀五萬九十九兩三錢零既經奉有地丁銀米通行蠲免之

旨相應遵照造冊蠲豁外惟是鹽高等六州縣積淹田地原請照依海山等州縣九十分災田之例蠲免今地畝錢糧已蒙全蠲因未奉有地丁田並免字樣其淹田項下應徵丁銀四萬五千七百二兩九錢零各屬咸稱秋災積淹雖分兩案題報同係災後加災況積淹田畝地最低窪麥禾俱未播種災民更屬困苦請將應徵丁

銀援例題蠲前來臣查災田項下人丁銀兩本係災戶應輸之項三十五年被災丁銀原奉竝免即海山等十八州縣淮大徐三衛上年九十分災田應徵地丁錢糧亦荷

殊恩蠲豁所有鹽高等六州縣積淹災地三十六年應徵丁銀災黎力難完辦籲請一例竝蠲理合據詳具題
恭候

皇上聖裁非臣等所敢擅請也除冊送部外臣謹會同

總督臣范承勲總漕臣桑格合詞具題伏乞

皇上睿鑒勅部議覆施行

山陽等七州縣并淮安衛水災請蠲疏

三十七年
六月初七

上日

該^臣看得淮揚二屬山高等州縣衛今歲霖雨連綿積

水未退情形經^臣會疏具題一面飛飭江蘇布政司并

江南都使司委員分往查勘去後今據布政使張志棟
詳據山陽安東高郵泰州江都興化寶應等各州縣咸

稱康熙三十五六兩年俱被重災今歲春夏又遭霖雨
二麥既被淹沒禾苗尚未播種經江常淮揚二道淮安
揚州二府勘明災田分數造冊具結籲請蠲免等情又
據都司章秉法將淮安衛被災田地冊結詳送前來臣
查山陽安東高郵泰州江都寶應興化七州縣并淮安
衛共被水災九分十分田地七萬八千一十三頃七十
八畝四分零照例應蠲銀四萬二千八百三十七兩七
錢五分零米三千六百二十二石八斗六升零既經委

員勘明具有印甘各結前來所當仰請

皇仁照例蠲免以恤災黎者也至於各屬水淹田地據
稱秋禾尚未播種雖經嚴飭勸諭補植晚禾以望西成
但高郵鹽城等處又以水勢漸加緣由具詳除見在嚴
查確實情形另報并將該司送到冊結分送部科外臣
謹會同總督臣范承勲總漕臣桑格合詞具題伏乞
皇上睿鑒勅部議覆施行

糾叅旗棍疏

三十七年六
月十七日上

該

臣

看得孫雲係惡少棍徒賣身於蘇州織造烏林大

李永壽家下為僕有國子監丁憂監丞陸經遠僕人孫
貴忤主被責於康熙三十七年六月初七夜自縊身死孫
雲輒認孫貴為繼父初九日統領旗民多人蜂擁經遠
家中兇橫打搶擒毆塾師生員陸孔奐經遠奔慰織造
孫雲又統眾追獲裂衣毀冠用繩繫頸毒毆鱗傷時因
臣赴常州會勘秋決重犯經遠匍匐次具控隨就近
批布政司會同蘇松道嚴提究審及臣回署復據陸孔

與具呈亦批該司道一并審報又准蘇州織造臣李煦
移會孫雲毆辱職官已經拏交該縣禁候究審等因茲
據布政使張志棟蘇松道叅議劉殿邦詳稱孫雲冒稱
屍親哨黨多人毆打職官毀搶貨物等項俱屬真情且
所搶衣飾現寄於烏林大聽差彭五家中除將供出夥
黨民人陸元等行縣嚴拏另報外但孫雲與供出之陸
二即陸君瑞梅大即梅志德徐斌王鬍子許來池李小
三等俱係烏林大家下旗人不便徑行究訊詳請具題

發審前來

臣

查旗棍聚眾毆辱職官藉命抄掠家財均干

嚴例

臣

謹會同總督臣范承勲合詞具題伏乞

皇上睿鑒勅下究審施行

海州并大河衛水災請蠲疏

三十七年六月二十一日上

該

臣

看得海州并大河衛等處今歲靈雨宿水未消情

形經

臣

節次會疏題報一面飛飭江蘇布政司江南都

使司委員查勘去後今據布政使張志棟詳稱海州被

水田地移准撫道勘明二麥失收具有冊結籲請蠲

恤至秋禾尚未播種雖經遵奉嚴飭補植晚禾雜糧以
望西成而該州又以水勢日加緣由具詳見在嚴查確
實情形另報又據都司章秉法詳稱大河衛水災田地
已委淮安衛公同該衛印官勘明造具區圖冊并印甘
各結前來臣查海州并大河衛共被水災九分十分田
地七千二百八十六頃五十四畝三分零照例應蠲銀
三千三百二十六兩四分零既稱委官勘明具有印甘
各結所當仰請

皇仁照例蠲免以恤災黎者也除將送到冊結分送部
科外臣謹會同總督臣范承勲總漕臣桑格合詞具題
伏乞

皇上睿鑒勅部議覆施行

鹽城水災請蠲疏

三十七年六月
二十二日上

該臣看得鹽城縣今歲霖雨宿水未消情形經臣會疏

題報一面飛飭江蘇布政司委員查勘去後今據布政
使張志棟詳稱鹽城縣被水田地移准江常鎮道勘明

二麥失收具有冊結籲請蠲恤至秋禾尚未播種雖經
遵奉嚴飭補植晚禾雜糧以望西成而該縣又以水勢
日加緣由具詳見在嚴查確實情形另報等情造具冊
結前來臣查鹽城縣共被水災十分田地二萬三千九
百五十二頃九十六畝零照例應蠲銀六千八百一十
三兩五錢九分零既據委官勘明具有印甘各結所當
仰請

皇仁照例蠲免以恤災黎者也除將該司送到冊結分

送部科外臣謹會同總督臣范承勲總漕臣桑格合詞
具題伏乞

皇上睿鑒勅部議覆施行

淮揚徐三屬災田溢完銀米請流抵疏

三十七年八月二十

三日

上

該臣看得淮揚徐三屬海邳等州縣衛康熙三十五年
異常水災田廬淹沒經督臣范承勲同泗州等屬災荒
新舊錢糧難以完辦情由會疏具題於康熙三十六年

正月二十六日欽奉

特旨覽奏淮揚徐泗等處去歲水勢驟發被災小民困苦萬狀等語朕心深為憫惻這三十五年一應錢糧俱著照該督等所題盡行蠲免其三十四年未完錢糧亦照該督等所題於三十七年帶徵著即通行曉示務使小民均霑實惠不致失所該部知道欽此當即通行欽遵在案嗣據各司道查明各屬應免錢糧及未奉准蠲之前溢完銀米麥豆應行流抵各數先後造冊詳咨部

覆海州等州縣康熙三十五年秋災田地錢糧於康熙三十六年正月二十六日始行奉

旨蠲免其未被災以前徵完銀米何得請流抵又准部文准大徐三衛三十五年被災田地未完錢糧奉

旨蠲免被災以前徵完銀米麥豆所請流抵之處毋庸議等因俱經轉行遵照去後今據江蘇布政使張志棟會同江安督糧道叅政鮑復昌江南都司章秉法詳稱被災田地奉蠲錢糧如有已徵在官應流抵下年載在

欽頒定例於康熙十八年大河揚州等衛秋災錢糧於康熙十八年十二月二十日始行奉

旨破格蠲免又邳州宿遷鹽城高郵興化等五州縣康熙二十四年水災田地於康熙二十四年十一月二十九日欽奉

上諭將康熙二十四年下半年二十五年上半年錢糧全蠲其被災以前徵完銀米俱經題准部覆奉

旨照例流抵在案且淮揚徐三十五年非常水患災民

困苦原題請將康熙三十五年分地丁漕項錢糧破格全蠲其三十四年未完錢糧於三十七年帶徵奉有俱著照該督等所題之

恩旨是三十四年款項係就未完之數帶徵而三十五年錢糧乃請照額全蠲非止請免未完之項況康熙三十六年淮揚徐三屬復被水淹除十分九分災田應徵地丁一應錢糧又奉

聖恩全蠲外其被災五六七八分災田銀米係奉照例

蠲免應徵之數尚多惟賴上年溢完之項照例流抵災
戶得免追呼之擾等情詳請會題前來臣查淮揚徐三
屬適年疊罹水災久蒙

聖明洞鑒破格蠲賑被災子遺得以重安衽席所有康
熙三十五年災田溢完錢糧相應據詳具題仰懇
睿慈照例流抵俾淮揚徐一帶百萬生靈感頌我

皇上如天之仁愈無紀極矣惟是流抵錢糧向經科臣
姚文然臺臣施維翰條奏列入下年由單之首使百姓

并知共見以杜官吏通同侵冒之弊今由單已經停止
前項溢完錢糧恭候

俞允之日容臣將各州縣衛流抵數目出示徧行曉諭
務使被災小民咸霑

聖澤如有不肖官胥侵冒情弊即從重題叅究擬合并
題明臣謹會同總督臣范承勲總漕臣桑格合詞具題
伏乞

皇上睿鑒勅部議覆施行

淮揚二屬請賑疏

三十七年九月初五日上

該^臣看得淮揚二屬年來疊罹水患康熙三十七年春

夏又遭霖雨二麥無收雖六月下旬水勢漸消而低窪

之區仍多積水且立秋以後涸出之地農時已失難於

栽插西成無望其秋災情形經^臣另疏題報外今據江

蘇布政使張志棟詳稱鹽城山陽海州安東高郵泰州

江都興化寶應九州縣康熙三十七年一歲兩災饑民

乏食所當賑濟以免流離但江蘇等屬見存捐積穀石

以及捐補康熙三十五年賑濟案內原借省鳳等倉米
麥為數無多請仍借用將來陸續捐還又於江蘇各屬
俸工銀內捐銀二萬兩銀米兼施仍有不敷再將蘇松
等屬節年減存米四萬餘石安徽所屬懷寧和州等近
水州縣均貯穀七萬二千石餘存穀七萬五千餘石一
并暫行借賑亦照常平倉事例捐收補還內如減存米
石應俟捐補之日按年附搭運通其懷寧等邑均貯之
穀應聽各州縣即於本地收捐惟所借餘存穀石原係

額該均貯之外盈餘之項據安徽布政使張四教詳議
即於下江地方收補而淮揚徐頻年被災議於淮郡適
中之地責成淮揚道收捐穀十萬石以為儲備緩急之
計等情前來臣查淮揚二屬鹽高等州縣水淹田畝雖
未全涸然目下水勢已日漸消退所有被災小民尤須
加意拯恤俾得安居故土不致失所將來水退地出竭
力耕鑿上輸

國賦仰報

聖恩至借動各項米穀捐納補還之處臣先經咨商督

臣范承勲亦准咨覆事屬可行用敢具題聽部議覆再
查從前賑濟如康熙二十四等年俱係一面題明一面
發賑皆蒙

聖恩俞允今時已深秋若候部覆開賑災民實難嗷待

且臣奉

命會同督漕諸臣勘議下河見在起行凡應閱歷高泰
興鹽寶等處皆屬被災地方臣當會同督漕二臣於勘

河之際再加商酌將所捐俸工銀兩及本地積儲遴委
賢能官員先行分往給發臣隨親行督賑使災民早霑
實惠其餘米穀恭候

俞允之日於俸工項下捐給水脚星夜撥運接濟合并

題明臣謹會同總督臣范承勲總漕臣桑格合詞具題

伏乞

皇上睿鑒勅部議覆施行

審明旗棍分別定罪疏

三十七年九月十六日上

該_臣看得蘇州織造烏林大李永壽家人孫雲糾黨毆辱國子監丁憂監丞陸經遠搶毀家貲什物一案先經_臣具疏題叅奉

旨將李永壽革職并有名人犯

勅_臣嚴拏究擬_臣隨欽遵檄行江蘇按察司嚴拏究擬

去後今據按察使趙世顯審詳孫雲本姓陸賣身於李永壽家康熙三十七年五月三十日突至陸經遠家冒認伊僕孫貴為繼父經遠詰問孫貴貴因忤主被責六

月初七夜自縊身死已經報縣候驗孫雲輒思藉命打
搶於初九日令彭五傳喚打降孫鳳池糾集多人孫雲
又約同李永壽家人梅大即梅志德王鬍子即王得福
徐斌等及已故孫祥聚飲於顧順泉酒肆蜂擁至經遠
家打入內室罄毀門牕什物搶失衣飾器皿擒毆塾師
生員陸孔奐經遠情急奔懇織造孫雲復統黨追擒毀
其衣帽用草繩繫頸毒毆鱗傷研訊各犯供認情真地
鄰見証甚確似此惡棍橫行法難輕縱除孫祥一犯先

經取供病故不議外孫雲合照光棍為首例擬斬立決
孫鳳池彭五徐斌俱照為從例擬絞監候陸士榮陸二
施仁觀湯三觀孫瑞觀陳天觀蔣珍胡慶張君先李永
先楊瑞卿陸元王三曹阿二雖同行聚飲審未毆搶脚
夫湯大鄧祖趙仁謝四孫招馮先李彩徐二周仁係孫
雲倩令擡棺非係兇黨但臨時不為力阻各擬重杖李
永壽任僕行兇迨經遠告發復縱梅大等潛逃合依官
司追捕罪人漏洩其事致令逃避者減罪人罪一等律

擬流係革職旗員鞭責枷號解部發落顧順泉陳顯等
審屬無干均予省釋孫鳳池等名下所搶衣服供已賣
費照追給主逃犯梅大即梅志德王鬍子王得福王二
仍行嚴緝另究其未獲許來池李小三徐壽陳三雖原
供有名今研訊孫雲堅供實未同行打後方至應予免
緝至此案監斃孫祥一名該管獄官吳縣典史吳銓職
名合并開列聽候部議茲據按察使趙世顯審擬招解
前來臣復親勘無異相應具題伏乞

皇上睿鑒勅下法司核議施行

高郵等五州縣秋災請全蠲疏

三十七年十月初三日上

該_臣看得揚州府屬高郵泰州江都興化寶應五州縣
今歲春夏又遭靈雨無之積水未消二麥無收經_臣題
奉

特旨將康熙三十七年應徵錢糧照例蠲免在案乃原
報夏災地畝當佈種秋禾之時水勢尚未消涸不能栽
插當將秋災情形再疏會題一面飭行江蘇布政司委

員分往查勘去後今據布政使張志棟詳稱高郵泰州
江都興化寶應五州縣原報夏災十分今復被秋災十
分田地四萬九千一百四十七頃三十八畝八分零額
徵地丁等銀一十五萬二千五百三十五兩五錢八分
零米麥七萬三千九百七十一石三斗九升零內除夏
災案內蠲免銀三萬二千六百二十五兩一錢九分零
米三千四百七十六石七斗八升零外尚該起存地丁
漕贈漕項等銀一十一萬九千九百一十兩三錢八分

零漕糧漕項米麥七萬四百九十四石六斗一升零為
數甚多被災子遺方將借賑延生實難完辦請照康熙
三十五六兩年之例破格全蠲前來臣查淮揚等屬康
熙三十五六兩年重災田地應徵地丁等項錢糧皆荷
聖恩破格全免茲康熙三十七年高泰江興寶五州縣
水淹地畝夏麥失收秋禾未種一歲兩災據各屬籲請
照依康熙三十五六兩年之例全蠲所當據詳具題恭
候

皇上聖裁非_臣等所敢擅請也除將送到冊結分送部
科外_臣謹會同總漕_臣桑格合詞具題伏乞

皇上睿鑒勅部議覆施行再勘報災傷例應會同督_臣
具題今總督印務係_臣署理合竝陳明

鹽城等四州縣并淮河二衛秋災請全蠲疏

三十
七年

十月十

七日上

該_臣看得淮安府屬鹽城山陽海州安東四州縣并淮
安大河二衛今歲春夏又遭霖雨蕪之積水未消二麥

無收經臣題奉

特旨將康熙三十七年應徵錢糧照例蠲免在案續因
原報夏災地畝當佈種秋禾之時水勢尚未全消不能
栽插隨將秋災情形再疏會題一面飭行江蘇布政司
暨江南都使司委員分往查勘去後今據布政使張志
棟都司章秉法將各委官勘過被災田畝造冊具結詳
送前來臣查鹽城山陽海州安東四州縣并淮安大河
二衛康熙三十七年原報夏災今復被秋災十分民屯

等項田地四萬二千九百二十九頃九十一畝二分零
額徵地丁等銀八萬四千八百九十八兩六錢六分零
米麥豆四萬一百四十三石八斗七升零內除夏災案
內蠲免銀一萬三千一百六十兩一錢二分零外尚該
起存地丁漕贈漕項等銀七萬一千七百三十八兩五
錢三分零漕糧漕項米麥豆四萬一百四十三石八斗
七升零據該司詳稱各州縣衛康熙三十五六兩年連
被重災皆荷

聖恩破格全蠲茲康熙三十七年夏麥無收秋禾未種
一歲兩災窮黎方將藉賑延生錢糧實難完辦籲請照
依康熙三十五六兩年之例將地丁漕糧漕項銀米麥
豆破格全免所當據詳具題恭候

皇上聖裁非

臣

等所敢擅請也除將送到冊結分送部

科外臣謹會同總漕臣桑格合詞具題伏乞

皇上睿鑒勅部議覆施行

西陂類稿卷三十五